

vandi, prout eis et eorum cuilibet visum fuerit. Ceterum vobis et vestrum cuilibet tenore praesentium auctoritate supradicta committimus, ut solum deum prae oculis habentes praefatos florenos per vos vel alium seu alios a clero et religiosis personis et ecclesiasticis vestrorum civitatum et diocesis exemptis et non exemptis a singulis eorundem prout consuetum est, consideratis etiam facultatibus eorundem, super quo vestram conscientiam oneramus, pro rata suorum proventuum cum iustis et moderatis expensis, quas propter hos vos subire contigerit petere exigere et per censuram ecclesiasticam si rebelles fuerint compellere auctoritate praedicta valeatis. In cuius rei testimonium praesentes litteras seu praesens publicum instrumentum per Jacobum notarium publicum et scribam nostrum infrascriptum publicari mandavimus et sigilli nostri fecimus appensione muniri. Datum in Budissina Misnensis diocesis XXVI. mensis Januarii, anno domini millesimo CCC^{mo}.LXX secundo pontificatus dicti domini nostri papae anno secundo praesentibus venerabilibus et discretis domino Bertrando Bertrandi legum doctori canonico Bracarensi, domino Hugone de Bosquoviridi bacalario in decretis et Petro Giuardi de Semonia clericis Catarensis et Cathalaunensis diocesium vocatis et rogatis.

Signum notarii.

Et ego Jacobus de Estrebayo clericus Remensis diocesis publicus auctoritate apostolica notarius praefatique domini patriarchae scriba praemissis omnibus et singulis dum sic agerentur et fierent una cum dictis testibus praesens fui et ea omnia per alium fideliter scripta publicavi et in hanc publicam formam redegei meoque consueto signo signavi rogatus.

Nach dem Orig. im Stiftsarchiv zu Brandenburg mit dem ziemlich wohl erhaltenen Siegel (aufgerichteter Löwe in einem mit Herzen bestreuten Felde) an einem Pergamentstreifen.

Im Auszug Riedel cod. dipl. Brand. I. Bd. 8. S. 295 f.

No. 612. 1372. 28. Febr.

Abt Nicolaus von Neuzelle appellirt gegen eine dem Vernehmen nach wider ihn und seinen Convent wegen Nichtzahlung der der päbstl. Kammer angeblich schuldigen Abgabe vom Bischof ausgesprochene Excommunicationssentenz.

In nomine domini amen. Anno nativitatis eiusdem M^o.CCC^o.LXXII^o. indictione decima mensis Februarii die XXVIII^a hora quasi completorii in domo habitationis discreti viri Friczkonis Bellecow opidani in Vrankenuorde pontificatus sanctissimi in Christo patris ac domini nostri domini Gregorii divina providentia papae XI. anno secundo in mei notarii publici subscripti ac testium subscriptorum praesentia constitutus venerabilis et religiosus vir frater Nycolaus abbas Novae Cellae Cisterciensis ordinis Misnensis diocesis in medium produxit quandam papiri cedula, in qua sui conventus monasteriique sui nomine provocavit appellavit apostolos petiit protestatus fuit et alia fecit, prout in dicta cedula continetur cuius tenor sequitur in haec verba et est talis: Coram vobis honorabili viro Nycolao Durrekoup clerico Lubucensis diocesis publico imperiali auctoritate notario tanquam coram autentica persona et vobis aliis testibus circumstantibus ego frater Nycolaus abbas monasterii Novae Cellae Cisterciensis ordinis Misnensis diocesis mei conventus ac monasterii mei nomine animo